

NÎT PE INFANZIE AZIENDÂL "IL NIDO DEGLI SCRICCIOLI"

AVÎS PE RACUELTE DES DOMANDIS DI AMISSION

AN EDUCATÎF 2025 - 2026

Si comuniche che la racuelte des domandis di iscrizion al nît di infanzie aziendâl "Il Nido degli Scriccioli" pal an educatîf 2025 - 2026 si sierarà ai 31 di Zenâr dal 2025. Dentri di chê date, i gjenitôrs che a son interessâts a podaran domandâ il modul specific cuntune email a nidodegliscriccioli@cidas.coop. Il modul jemplât e altre eventuâl documentazion si àn di mandâ simpri a chê email, intal formât pdf e nomenât cul cognon dal gjenitôr che al presente la domande di iscrizion.

I fruts piçui e medis che intal an educatîf 2024 - 2025 a frecuentin il Nît Aziendâl a son ametûts di ufici al a.e. 2025 - 2025, se no rinunziin ae iscrizion.

A àn dirit di jessi ametûts tal nît di infanzie aziendâl i fruts che a àn 3 mêis di etât dentri dal prin di Setembar dal 2025, e chei nassûts a tacâ dal prin di Zenâr dal 2023. Si pues fâ domande no dome pai fruts che a son za nassûts ma ancje par chei che a son stâts za concepîts tal stes periodi, si à però di segnâ la date presumude dal part. Po, cuant che il frut al è nassût, si varà di comunicâlu ae segretarie dal Nît.

Lis fameis che pal moment a son inte liste di spiete, e che no àn un puest assegnât pal a.e. 2024 - 2025 e che a son ancjemò interessadis, a varan di tornâ a fâ domande pal an educatîf 2025 - 2026.

Se lis domandis che a son rivadis a son di plui rispiet al numar dai puests a disposizion, sedi pe aree dai piçui che pe aree miste, la amission e vignarà fate daûr di chest ordin di prioritât:

Pe utence interne:

- a) fîs dal personâl dependent ASUFC cun contrat a timp indeterminât
- b) fîs dal personâl dependent ASUFC cun contrat a timp determinât di validitât residue di almancul 12 mêis prime de date dal tiermin par presentâ la domande di amission;
- c) fîs dal personâl cun rapuart di convenzion (MMG, PLS, SA) o ben colaborazion libar professionâl o ben di somministrazion (personâl interinâl) cun ASUFC; te date dal tiermin pe presentazion des domandis di amission, il rapuart di colaborazion al varà di vê une validitât residue di almancul 12 mêis te date di scjadince pe presentazion de domande di amission;

d) fîs di miedis in formazion specialistiche te ASUFC cuntun contrat che al duri almancul un an te date di tiermin de presentazion de domande di iscrizion;

e) fîs dal personâl dependent di ditis cun apalt cun ativitât lavorative intes sedis di ASUFC cuntun contrat che al duri almancul un an te date di tiermin pe presentazion de domande di iscrizion.

Par ognidune di chestis categoriis e ven fate une liste specifiche. Lis listis dai ponts b), c) d) e) a vegin dopradis dome tal câs che a restin puescj a disposizion dopo vê considerade la liste subit prime.

L'acès di fradis di fruts che a frecuentin za il Nîf al ven dut câs garantît in maniere indipendente de posizion intes listis dome se i fradis a frecuentin tal stes moment o dome se e je disponibilîtât di puescj pe utence interne.

o Pe utence esterne:

Par cheste categorie e ven metude jù une liste prioritare pai residents de citât di Udin, e, se al covente, une liste ancje par cui che nol è resident inte citât di Udin. Cul fin di determinâ il numar dai puescj che a son risiervâts ae utence esterne, si tignarà cont des categoriis di apartignince dai fruts che a frecuentin za il Nîf. L'acès di fradis di fruts che a frecuentin za il Nîf al ven dut câs garantît in maniere indipendente de posizion intes listis dome se i fradis a frecuentin tal stes moment o dome se e je disponibilîtâts di puescj pe utence interne.

Pal an educatîf 2025 - 2026 a son pal moment 26 puescj disponibii: 10 aree piçui (3 - 12 mê) e 16 aree miste medis/grancj (13 - 36 mê). Tra i puescj a disposizion, 5 puescj a son risiervâts ae utence esterne, cun prioritât par cui che al à la residence tal comun di Udin.

Tal câs che no si rivedi a cuvierzi il numar totâl dai puescj a disposizion, il gjestôr dal Nîf al podarà zontâ al Nîf ancje altris fruts che no fasin part dai câs di prime, par rivâ al numar massim di fruts.

Dentri de fin dal mê di Març, il Comitât di Gjestion dal Nîf aziendâl al metarà jù la graduatorie cui criteris seguitîfs:

	Titui che si valutin pe graduatorie	Ponts
	Situazion familiâr	
1	Cundizion di disabilitât aciertade dal frut/de frute (cun certificazion daûr de L. 104/92)	20 ponts
2	Nucli familiâr dulà che a son personis cun handicap aciertât (la invaliditât e à di superâ il 66%)	2 ponts par persone
3	Nucli familiâr là che il gjenitôr al è bessôl cul frut / la frute (fruts ricognossûts par leç dome di un gjenitôr o gjenitôr vedul/vedue o il frut/e vuarfin/e)	8 ponts
4	Il gjenitôr che al presente la domande al è divorziât o separât di chel altri gjenitôr daûr de leç.	6 ponts
5	Ducj i doi i gjenitôrs a àn rapuarts di lavôr/colaborazion te date di presentazion de domande	6 ponts
5a	Pe utence interne: Ducj i doi i gjenitôrs a son dependents ASUFC	6 ponts

	1 gjenitôr dependent ASUFC + 1 gjenitôr colaboradôr ASUFC	3,5 ponts
	1 gjenitôr dependent ASUFC	3 ponts
	Ducj i doi i gjenitôrs a son colaboradôrs	1 pont
	1 gjenitôr colaboradôr	0,5 pont
6	Pe utence interne: Un gjenitôr dependent ASUFC che al lavore in maniere continuative e prevalente intune sede di lavôr aziendâl che e je a plui di 50 km de sede dal Nît	2 ponts
7	Tal câs che al sedi un altri fi za iscrit e che al frecuente il Nît te date di inseriment dal frut che si presente la domande	6 ponts
	Altris fîs	
8	Nucli familiâr cun altri fruts di 0 a 2 agns finîts **	2 ponts par ogni fi
9	Nucli familiâr cun altris fruts di 3 a 5 agns finîts	1 pont par ogni fi

(*) Personis diferentis dal/de frut/frute che si domande la amission tal Nît;

(**) O ben i fruts za nassûts

Par dutis lis fameis là che a son altris fîs destinataris di chescj ponts, si domande di dâ tal moment de presentazion de domande di iscrizion, une autodeclarazion dal stât di famee. Altre documentazion e vignarà domandade pai indicadôrs 1, 2, 3, 4.

Cun paritât di ponts e vignarà cjapade in considerazion daûr di un ordin prioritari la domande di iscrizion cul mêś di ingrès plui dongje al principi dal an educatîf e po dopo la etât inferiôr dal frut o de frute che par chel/chê si domande la iscrizion.

La graduatorie e reste valide par 12 mêś e e ven publicade e picjade inte bacheche dal Nît Aziendâl, ma ancje mandade vie email a dutis lis fameis, dant a ogni participant un numar di indentificazion univoc.

Lis domanids di iscrizion che a passin il numar di puestcj disponibii a saran zontadis intune liste di spiete di pueste. Se vie pal an educatîf a saran altris puestcj a disposizion, si proponarà la amission dai fruts che a son inte liste di spiete.

La sielte di restâ o no intes listis di spiete e à di jessi confermade dentri di un mêś de publicazion des graduatoriis. Se no si fâs cheste comunicazion intai tîmps definîts, si vignarà scancelâts des listis. Aes fameis che a varan il puest si domande la conferme o no de acetazion dal stes dentri dai 31 di Mai dal 2025. Il ritîr des graduatoriis si à di comunicâ in forme scrite al Nît. Se nol ven comunicât intai tîmps definîts, il puest al è pierdût.

La ASUFC si riserve di verificâ la autenticitât des declarazions che a vegnin fatîs, daûr di ce che a fassin lis normis su la dissipline de autocertificazion.

In zonte il struc des retis e des fassis oraris in vore pal a.e. 2024 - 2025 Lis retis a puedin jessi adeguadis daûr dai indiçs Istat pal a.e. 2025 - 2026

Fassis oraris e retis di frecuece e puescj pal a.e. 2024 - 2025

SERVIZI	ORARI	IMPUART DE RETE CENCE IVA	IMPUART DAL PAST CENCE IVA
Nît mieze zornade matine	8,00 – 13,30 Ingrès tra lis 8.00 e lis 9.00 Jessude tra lis 12.30 e lis 13.30	470,57 €/mês	3.53 €/dì di presince
Nît mieze zornade dopomisdì	12,30 – 17,30 Ingrès tra lis 12.30 e lis 13.00 Jessude tra lis 17.00	470,57 €/mês	La mirinde dal dopomisdì e je za dentri inte rete
Nît buinore	7,30 – 15,30 Ingrès tra lis 7.30 e lis 9.00 Jessude tra lis 15.00 e lis 15.30	634,69 €/mês	Mirinde e gustâ za dentri inte rete
Nît dute la zornade	7,30 – 17,30 Ingrès tra lis 7.30 e lis 9.00 Jessude tra lis 16.30 e lis 17.30	676,84 €/mês	Mirinde e gustâ za dentri inte rete
Prime e dopo dal Nît mieze ore	7.00 – 7.30 7.30 – 8.00 17,30—	2,22 €	
Prime e dopo dal nît une ore	6,30 – 7,30 7,00 – 8,00 17,30 –	4,87 €	

N.B. La frecuece dai fruts/des frutis tal Nît no pues jessi superiôr di 10 oris o inferiôr di 3 oris par dì, daûr de normative in vore.